

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De Agapio martyre. Cap. XVI.

urn:nbn:de:hbz:466:1-29861

mulleres summæ continentiae, & virgines quæ sua sponte
dei cultui se consecrauerant, ad turpem ipsarum contu-
meliam lenonibus tradidit) idem cum fratre aggressus
est: & quoniam illa facinora intoleranda ei videbantur,
fideti & erecta animi magnitudine accedens ad iudicem,
turpitudinis & ignominiae, quam cum verbis, tum rebus
ipsis præstigiasset, eum coram coarguit: unde variis tor-
mentorum cruciatibus diuexatus, (quæ quidem constan-
ter & sedate admodum pertulit) ad extremum fuit in ma-
re proiectus, & eundem cum fratre exitum consecutus.
Sed de Aedesio haec tenus. Atque ista ut dixi non longo
tempore post hoc modo gesta fuerunt.

De Agapio martyre.

CAP. XVI.

Quarto anno persecutionis in nos graffantis, ad duo
decimum Cal. Decembris, hoc est, vigesimo die me-
sis qui Dius vocatur, die veneris, in eadem urbe Cæ-
sarea, tale facinus, dignum reuera, quod literarum monu-
mentis commendetur, ipso tyranno Maximino præsen-
te (qui eodem die qui natalis suus dies erat, spectacula po-
pulo magno cum apparatu ac sumptu edebat) patratum
fuit. Et quum consuetudo inueterarat, ut varia spectacu-
la, si etiam unquam alias, præsentibus ipsis imperatori-
bus, summa cum magnificentia ac splendore, propone-
rentur spectatoribus, ad eorum animos oblectandos, ea-
que nouis ac peregrinis formis præter communem & vi-
tatum morem variarentur, sic ut interdum animalia ex
India, aut Aethiopia, aut aliunde acta in amphitheatum
introducerentur, interdum viri Mimicis corporis gesti-
bus permira animorum oblectamenta spectantibus osté-
derent, ob eam causam cum iam imperator ipse ludos fa-
ceret, exiinium quoddam spectaculum, & quod multum
baberet admirationis, in magnifico eorum apparatu om-
nino elucere oportebat. Quodnam igitur erat istud qui-
dem? Martyr & testis nostræ in Christo religionis addu-
citur in medium, strenue pro sola & vera pietate decerta-
turus, Agapius nomine: quem vna cum Thecla sociatum
bestiisque traditum ad deuorandum paulo ante demon-
strauiimus. Iste alias è custodia eductus, simulque cum ma-

Z leuciis

EVSEBII HISTORIAE

Ieficis ad spectacula populo edenda coniunctus, cum palam egregie suas partes in stadio egisset, idque ter ac saepius, propterea quod iudex post minas illi variis temporibus oppositas, siue illum commiseratus, siue spe propositi & sententiæ eius commutandæ inductus, ad alia semper noua certamina distulerat, tandem præsente ipso imperatore, denuo producitur, velut opportune & commode in illud tempus reseruatus: ut hoc di-

Matt.16. Etum salutare, quod dominus discipulis suis diuina præscientia prædixisset (nimirum quod coram regibus adducerentur propter testimonium eius) vere in eo completeretur. Primum igitur in medium stadium, cum quodam malefico & scelesto homine, quem cædis domini sui reum fuisse ferunt, vna rapitur. Deinde hic domini sui intersector, qui bestiis obici debuisset, misericordia & clementia imperatoris, prope ad similitudinem Barrabæ latronis, quem seruatoris loco Iudæi mortis periculo eripiebant, nece liberatus est: & propterea strepitum & acclamationibus totum ideo personabat theatum, quod homicida imperatoris beneficentia non solum seruatus esset, verum etiam honore & libertate donatus. Cæterum hic veræ & diuinæ pietatis athleta, primum à tyranno accersitur: deinde inficiationem suæ voluntatis & instituti rogatus est: promittitur ei libertas: at ille magna voce palam testatur, non turpis & nefarii criminis caussa, sed pietatis in deum omnium rerum officem, libenter, & cum voluptate omnia supplicia, quæcumque sibi imponerentur, se pacato & tranquillo animo subitum. Atque hoc elocutus, dicto citius, etum exequitur: & vrso in illum dimisso, ex aduerso veleti curriculo factus obuiam, seipsum libentissime verandum dat. Post adhuc superstes spiritum dicens, in carcerem mittitur. Vbi uno die in vita commoratus, postridie lapidibus ad pedes eius appensis, in medium mare demergitur. Tale Agapii martyrium fuisse constat.

De